





第九三七册

四庫全書

● 上海古籍出版社

本冊目次

羣書考索(二)
後集

宋章如愚撰……………一

● 上海古籍出版社

第貳十三冊

欽定四庫全書

子部
羣書考索後集卷二

詳校官中書臣寶汝翼
主事臣祁韻士覆勘

總校官知縣臣楊懋珩
校對官中書臣徐步雲
謄錄監生臣陳元熙



欽定四庫全書

羣書考索後集卷二

宋章如愚編

官制門

官數類

唐官六十通典云唐官數關尚書云建官惟百鄭主云

虞官六十唐官未開先舜同道或皆六十并屬官而言

則皆屬官

欽定四庫全書

羣書考索後集

虞官六十明堂位曰有虞氏官五十鄭云六十

夏官一百二十明堂位曰夏官百尚書云夏商官倍則

當二百矣而鄭云百二十

商官二百四十明堂位曰商官二百鄭云二百四十合

依鄭說

周内外官六萬三千六百七十五人內二千六百四十

三人外諸侯國官六萬一千零三十二人

秦制爵二十等以賞功勞

漢吏員自佐吏至丞相凡十三萬二百八十五人 哀帝時官數並諸侯州郡胥吏

後漢内外文武官七千五百六十七人 內一千零五十

五人外六千五百一十二人 都計内外官及職掌人十

五萬二千九百八十六人

魏官置九品其數未詳

晉因魏内外文武官六千八百三十六人 內八百九十

四人外五千九百四十二人 都計内外官及職掌人一

欽定四庫全書

晉書考索後集

二

十一萬八千六百七十二人

宋因晉内外文武官六千一百七十二人 內八百二十

三人外五千三百四十九人 內職掌人門亭長考經師

月令律令師及書佐等一千四百六十一人都計内外

官及職掌人七千六百三十三人

齊内外文武官二千有六十三人 內九百四十七人外

一千一百一十六人州刺史及官屬并太守內史州縣

令相宰掾吏校尉中郎持護軍等

梁官品秩祿之差亦如前代更定十八班不登二品者

又為七班又置諸軍之號二十四班内外官數未詳

陳官品祿秩班次多因梁制而又置相國位列丞相上

并及丞相太宰太傅太保大司馬大將軍並以為贈官

定今尚書置五員郎二十一員其餘並遵梁制為十八

班官數未詳

後魏内外文武官七千七百六十四人 內二千三百七

十一人外五千三百九十三人州刺史郡太守縣令長

等

欽定四庫全書

晉書考索後集

三

內文學學生三千人都計内外官一萬零七百六十

四人其京城諸司令史及諸色職掌人及外州郡縣屬

官并諸色職掌人等並未詳命數亦未詳 魏氏之初

法制簡畧設官分職多因事宜罕依故實誠非經遠即

列九品每品又分為上中下三等至孝文帝太和十八

年定令方有倫序又按前代職次皆無從品魏氏始有

之自四品以下正從又分為上下階亦一代之別制也

并尚書都令史門下通事主事等令史五百九十六人

都計文武官及學生令史等總二千九百一十八人

後周改為九命六卿屬官之外內外衆職亦多參秦漢

按所建六官并徒屬及府史雜色職掌人二萬一千零

七十三人 二千九百八十九人 諸色官萬八千八十四

人 府史學生笑生書生醫生侍長虎賁驍騎羽林游擊

奉車駟夫武理武候下筮占夢視祿相生等人也

隋開皇中有正從九品上下階至煬帝除上下階唯留

欽定四庫全書

正從九品其餘官品亦多升降萬二千五百七十六人

內官二千五百八十一員外官郡縣九千九百九十五

員又內職掌醫師卜師巫覡掌醢獸醫博士京市長麴

倉督并太學學生刻漏千牛門尉門候之事令史及外

職掌郡縣佐史族正里正等總十八萬三千三百六十

一人 內千六百六十四人外十八萬一千六百九十七

人都計內文武官及胥總十九萬五千九百三十七

人

唐開元二十五年制定流內太師而下流外諸衛而下

之別有正從九品上下階內文武官員凡萬八千八

百五人 文官萬四千七百七十四人 武官四千二十一

人 內官二千六百二十人 外官州縣折衝府鎮戍關廂

清等萬六千二百八十五人 內職掌府史亭長主

仗典食監門直長親事帳內等外職掌州縣倉督錄事

里正及岳廟齋郎并折衝府旅師隊正隊副等總三十

四萬九千八百六十三人 內三萬五千一百七十七外三

千一萬四千六百八十六 都計文武官及諸色胥史等

總三十六萬八千六百六十八人 制為九品各有從自

四品以下亦分為下階大抵多因隋制

官品類

周官九命漢自中二千石至百石凡十六等 成帝除八

百石五百石秩二等 後漢自中二千石至斗石凡十三

等魏秩次多因漢制更置九品晉宋齊並因之梁因之

更置十八班班多為貴陳並因之後魏置九品品各置

從自四品以下每品分為上下凡三十階北齊並因之

後周制九命每命分為二以正為上凡十八命隋朝置

九品品各有從自四品以下每品分為上下凡三十階

自太師始焉謂之流內流內自此始焉楊帝除上下階

唯留正從各九品又置視正二品至九品品各有從自

行臺尚書令始焉謂之視流內自此始焉

大唐自流內以上並因隋制又置視正五品視從七品

以署薩寶及秋正秋平烟反謂之視流內又置勳品九品

欽定四庫全書

唐書考證卷

六

自諸衛錄事及五省令史始焉謂之流外流外自此始

其勳品自齊梁即有之三品以上紫衣金魚袋五品以

上綠衣銀魚袋皆執象笏七品以上綠衣九品以上青

衣皆木笏先宅元年青衣為笏武后時改五品以上銀

魚袋中宗反正從舊初武后天冊中制文武官加階應

入五品者並須入仕歷十六考以上無私犯進階之時

見居六品官及七品官以上清官者其應入三品者祇

入仕三十三考以上並無私犯進階之時凡居四品官

者自外蹤計階者應入仕並不在進階限如有奇才異
行別致殊功不拘此列

官制總序

伏羲氏以龍紀故為龍師名官

共工氏以水紀故為水師水名

神農氏以火紀故為火師火名

黃帝氏以雲紀故為雲師雲名又晉志曰黃帝置三公

之秩以親黎元

欽定四庫全書

唐書考證卷

七

少昊氏立鳳鳥適至故以鳥紀鳥師鳥名

顓帝不能紀遠乃紀於近為民師而命以民事又有五

行之官

唐堯有義和之官叔仲周禮正義以為即四岳內有百

揆四岳四岳分主四方諸侯外有州牧侯伯

虞舜有天下伯禹作司空宅百揆棄社稷播百穀契為

司徒敷五教皋陶作士正五刑皋作共工利器用伯益

作虞育草木鳥獸伯夷秩宗典三禮夔典樂教胄子

神人龍作納言出納帝命蓋亦為六官以主天地四時也

夏后之制亦置六卿甘誓云召六卿是也其官名次猶

承虞制禮記曰夏后氏官百天子有三公九卿二十七

大夫八十一元士

商制天子建天官先六太曰太宰太宗太史太祝太士

太卜典司六典五官曰司徒司馬司空司士司寇典司

五衆六府曰司徒司馬司空司士司寇典司六職

欽定四庫全書

卷一 周書考索後集

六工曰土工金工石工木工獸工草工典制六材五官

致貢曰享五官之長曰伯千里之內為王畿千里之外

設方伯五國以為屬屬有長十國以為連連有帥三十

國以為卒卒有正二百一十國以為州州有伯八州八

伯五十六正百六十八帥三百三十六長八伯屬於天

子之老二人分天下以為左右白二伯老謂上公王通

典伊尹曰三公調陰陽九卿通寒暑大夫知人事列士

去其私成湯居亳初置二相以伊尹仲虺為之晉志書

曰唐虞稽古建官惟百後魏志云唐虞六十夏商倍之

周過三百是為大備

夏商官倍亦克用又

周武列爵惟五分土惟三建官惟賢位事惟能成王董

正治官三百六十立太師太傅太保茲惟三公論道經

邦變理陰陽官不必備惟其人少師少傅少保曰三孤貳

公弘化寅亮天地弼予一人冢宰掌邦治統百官均四

海司徒掌邦教敷五典擾兆民宗伯掌邦禮治神人和

上下司馬掌邦政統六師平邦國司寇掌邦禁詰奸慝

刑暴亂司空掌邦土居四民時地利六卿分職各率其

屬以倡九牧阜成兆民周禮天地四時之官謂之六卿

天官冢宰掌邦治地官司司徒掌邦教春官宗伯掌邦禮

夏官司馬掌邦政秋官司寇掌邦刑冬官司空掌邦事

其屬三百六十者周天之數也蓋古人設官皆天之所

為非人之所設誰可以私情參哉然攷之周禮六官六

屬往往非止三百六十蓋其中有兼官也且卿老二卿

則公一人是三公兼卿老也一卿則卿一人是六卿兼

卿大夫也。軍將皆命卿。是六卿又兼六軍之持也。昔者太公以太師兼司盟之職。載在盟府。太師職之是也。以三公而兼太史之職。太史司寇。蘇公是也。吾夫子責管仲所以言官事不攝而罪其樂先王之法也。三公三孤周禮之職。不詳此周官所謂官不備而其職亦非羣有司所可並論也。周衰諸侯去班爵之籍。人用私意僭偏不常。晉以軍行具六卿楚僭公號。莊三十年

秦不師古設爵級以勸武功。厥後罷侯置守。太尉主五

兵丞相總百揆。又置御史大夫以貳於相。先王舊典靡有牙遺。

漢承秦弊所當更新。高帝無復古之志。叔孫通苟趨時之便。大抵多仍秦舊。孟堅記漢置官本末。周之遺制曾不多見。而以秦官書者。蓋總總也。賈誼請更官名。見沮終。漢孝武頗有增益。太初以後浸以奢廣矣。曰丞相。漢初或則軍功而加丞相者。樊噲。酈商。或改丞相之名。而俾之征伐者。韓信。漢制常以列侯為相。自公孫弘以

布衣數年登相位而後封平津侯。漢制丞相進見御位即起。在輿為下。至公孫弘武帝始不冠見矣。漢制選用人才皆由丞相。高帝舉賢詔令詣國相。自署行義。年武帝初衛綰奏罷賢良中韓蘇張或有薦人起家至二千石。自武帝重儒官朝夕在側。薦進人物而選用之。權不在宰相。嚴助薦朱買臣。楊得意薦司馬相如。漢制三公號無所不統。周家冢宰之屬分入於九卿。官伯則分入郎中令。宮正則分入衛尉。膳人酒人則分入少

欽定四庫全書

卷一

十

府司會人。府則入司農。官人內宰則入太長秋。雖號統攝而不得專領。其後九卿更進用事而丞相克位給事。謂者為左右私人而丞相為外朝之官。受遺歸寧光而朝事歸大將軍。初置一相。孝惠高后置左右相。文帝復一相。哀帝更名大司徒曰太尉。文景或置或罷。元狩中始置大司馬以冠大將軍之號。蓋借古官名以為寵。非有夏官之實。故大司馬太尉不並置。太尉雖掌武而兵不在焉。高后時呂祿呂產實掌南北軍。呂祿未解將軍

印雖太尉不得入北軍然當時非太尉則事不濟蓋職尤能盡獲諸將也武帝置大司馬以冠將軍所以寵衛

實初未嘗及於政事至末年用霍光始兼領尚書事宣

帝之後加於外戚而漢禍慘矣雖然漢武帝用大司馬

領尚書而丞相固已無權矣然猶建空名於百官之上

霍光召議必以丞相為首元平之奏必先言丞相敵而

後至於大將軍光及哀帝用董賢為大司馬而司馬遂

居司徒之上 朱博傳曰武帝初年置大司馬冠大將

軍非有印綬中屬主威帝初年賜大司馬金印紫綬乃

置官屬

欽定四庫全書

御史之名周官以中士下士為之特小

臣之傳命今者耳至於戰國其職益親故獻書多言獻

書於大王御史而罷池之會各命御史書事秦任刀筆

又自親事以操制臣下侍御僕從其勢益重遂與宰相

分權而居三公之位漢興獨不可正名乎安有三公而

專治書史者乎然漢初御史實副宰相高后欲封諸呂

問右丞相陵左丞相平太尉勃而不及趙主帝錢穀

之問止及右丞相勃左丞相平而不及張敖是以經歷

三世事權盡在宰相國體增重而御史大夫不敢萌出位

之思及景帝權抑中屠畜而是錯以刻深用事故事多

決於錯謀削七國錯實主之丞相不與也調發兵食錯

實任之丞相不聞也馬國之禁景紀獨書御史館而不

及丞相陶青劉舍之徒猷猷無所建明其有以也 漢

欽定四庫全書

御史大夫見孝廉上計丞長史皆於官司馬門外又

宣帝詔御史察計簿然則受上計者御史職也秩中二

千石自成帝用何武建三公之言而後大司馬大司空

皆封列侯俸如丞相通典曰自此三公俱為宰相矣

九卿之職曰奉常景德初更名太常主郊廟禮樂之事

博士亦其屬公孫弘對策太常奏居末第掌樂之官而

兼教育之任誠以樂者廣大樂易其感人也易以入故

也 曰光祿勳武帝太初中更郎中令為光祿勳漢初

此為試讀，需要完整PDF請訪問：www.ertongzhu.com

郎中令掌郎衛諸官如諫大夫議郎中郎皆得以謀論拾遺左右而謁者僕射又得以執戰侍衛最為親近矣謁者中郎將之得却慎夫人座皆其親近之至也及武帝游後庭用中人為謁者尚書而諸郎不帶加官不得入內而後郎中令之官稍疎人主罕與正人接而中人日親頗用權矣

曰衛尉

景帝初更名中大夫今後復

為衛尉掌宮中徽處事其職兵衛者乎

曰太僕

掌輿

馬

曰廷尉

景帝中六年更名大理武帝建元復為廷

欽定四庫全書

卷一百一十五

五

尉表帝復為大理掌平獄奏當所應凡郡縣獄疑罪皆

處當以報武帝以下置中都官獄郡十六所凡意所欲

附政者皆不下廷尉以史考之昭平君繫獄內官灌夫

繫獄居室復勸繫都司空李陵言老母繫保宮劉輻繫

被廷王商繫若盧詔獄張湯治他因導官與客有司大

獄水衡有上林獄中尉有寺互都船獄至若北軍別有

主上帝者獄繫室腐刑獄暴室宮人獄又皇孫生邸即

獄手慶忌從共工獄其所見大畧如此

曰大鴻臚

景帝中六年更名大行令武帝太初元年更名大鴻臚郎泰典容職也掌諸侯歸義蠻夷等國

曰宗正

掌親

屬平帝更名宗伯

曰大司農

景帝更名大農今武帝

太初元年更名大司農即秦治粟內史也掌穀貨自太

倉五籍田今丞屬焉

曰少府

掌山海池澤之稅以給

共養漢氏之制天下公用仰大司農而乘與供養悉出

少府不以民力共浮費別公私示正路也然至於公用

缺之往往資之少府故賈捐之命周兵之費曰大司農

欽定四庫全書

卷一百一十五

五

錢盡乃以少府禁錢鑄之是也其屬有尚書今丞中書

謁者令丞黃門令丞尚書中書黃門此後世之所謂三

省者皆出於少府之屬初秦置尚書於禁中有令丞通

章奏而已漢武已復其任甚重及光武親攬吏職天下

事皆上尚書與人主參決乃下三府尚書令遂為端揆

之官矣晉百官志曰武帝游宴後庭始用官者主中書

元帝以弘恭為令石顯為僕射秉權用事而蕭望之以

為中書政本宜以賢明之選更置士人黃門奏官也掌

侍從左右三者皆親近人主故卒為三省 火府掌刑

威而猶屬丞相御史此其制之善也自光武以山海鹽

鐵歸郡縣官中私用付之外有司章帝以後始別立監

以奪人領之大臣不得預矣皆中二千石 其外有中

尉掌徵徭徧京師武帝太初元年更名執金吾 秩雖中二

千石後漢至九卿皆云卿一人至中尉獨不言卿則不

預九卿之列明矣漢世凡中二千石多稱卿 王尊傳如

淳注曰三輔皆秩中二千石故亦稱卿

欽定四庫全書

卷一 官制

上公則太傅

高后置後者袁帝復之至

平帝置太師位

太傅上太保次太傅

王陵特言孔江懷罪而師傳之重

迄漢世為右遷之地

有特進

漢制特進位三公下漢

儀特進后父兄為之或以處前宰相

有將軍

漢初特

兵稱將軍兵罷不置呂后以呂祿為上將軍居北軍非

漢制也文帝拜宋昌為衛將軍薄昭為車騎將軍始有

定職武帝拜衛青大將軍而大將軍始有定職其後霍

去病為驍騎將軍上官桀為左將軍昭帝用馮奉世為

右將軍始有驍騎左右之職趙充國為後將軍韓增為

前將軍始有前後將軍之職其他將軍因出征伐名號

不一事已或置或否獨大將軍驍騎衛將軍左右前後

將軍終漢世不更置

太子則有太傅少傅詹事

無子

洗馬舍人家令皆其屬也

皇后則有詹事

長信詹事

是也景帝更為長信少府復更為長樂少府

有將行

景帝更名大長秋或用中人或用士人應劭曰皇后卿

也後志曰掌宣中宮命

欽定四庫全書

卷一 官制

列卿又有將作少府

掌治宮室景帝更名將作大匠

典屬國

掌蠻夷降者

水衡都尉

武帝置掌上林苑應劭曰水衡少府皆天子

祕藏元帝時水衡錢三十五萬是也

大抵漢世公有

三等太師太傅太保為三公丞相太尉御史大夫為三

公漢制三公置萬石

大將軍驍騎車騎將軍為比公

卿有三等前後左右將軍為上卿太常至少府凡九稱

正卿執金吾太子太傅將作少府詹事大長秋水衡都尉

三輔為陪鄉三輔則京兆左馮翊右扶風舊內史也掌

治京師景帝分置左右內史武帝更名京兆尹左內史

則更為左馮翊若夫右扶風之職則主爵中尉也景帝

更名都尉武帝初年更為右扶風治內史右地與左馮

翊京兆為三輔周之六卿六卿分治秦以內史治畿內

漢初因之雖失六卿分治之意然內史猶廷臣也至分

三輔其去大郡無幾判然與朝廷二體矣

尉有護軍都尉陳平為護軍中尉武帝時屬大司馬司

欽定四庫全書

卷一 考索復集

六

隸校尉周官司隸屬秋官武帝征和四年初置持節從

中都官捕王蠱督大姦猾察三輔三河弘農元帝去節

武帝省姦和二年哀帝復置但為司隸城門校尉環海

要畧云漢高帝初置城門校尉從縱騎一百二十人八

校尉中壘屯騎步兵越騎長水胡騎射聲虎賁八校尉

皆武帝初置漢表之言也刑法志則曰內增七校晉灼

曰胡騎不常置故曰七故耳西域戍已烏桓護羌亦有

校尉奉車都尉掌御乘輿駙馬都尉騎都尉此通典

所謂三都尉皆武帝增置非漢定制也

加官則有侍中左右曹諸吏散騎中常侍所加或列侯

將軍卿大夫將都尉尚書太醫太官令至郎中亡負多

至數十人給事中亦加官所加或諫大夫博士議郎掌

顧問應對位次中常侍中黃門則有給事黃門通典以

加官為漢制百官表加官一章其末總云皆秦制則出

於秦無疑也但漢因秦制而廣之官名或有損益耳世

儒又疑其始於武帝非也特加官用事自武帝始耳以

欽定四庫全書

卷一 考索復集

元

史考之張辟疆惠帝時為侍中賈山至言曰今陛下舉

方正之士使為常侍諸吏則加官漢初固有也特是時

事權在公卿加官未居中用事至武帝時而加官之權

始重耳漢世九卿皆可領加官獨二府不得然魏相

以御史大夫兼給事中以為分霍光權設非定制也或

者以奉車都尉駙馬都尉亦為加官非也荀氏漢紀杜

佑通典並不列於加官即此可考此列職於內之大畧

也

外封諸侯漢郡八九十形錯其間郡置守景帝更名太守有丞有長史司馬

又有郡尉將兵大即或兩尉景帝

更名為郡尉縣置令長又有三老掌教化新城三老建

編素之議臺闕三老上書言成太子之事三老參與上

言明王尊之罪國家之大事朝廷之得失三老皆得言

之孝弟力田文帝十二年置三老孝弟力田常員有秩

其普天游徼亭有長主捕盜賊里有正秦以御史分別

州漢者特丞相遣使耳武帝始置十三部刺史秩六百

欽定四庫全書卷一百一十五

石外同隸一部則三河三輔弘農是也漢制守二千石

令千石至六百石今刺史才六百石耳其秩卑矣六條

問事一條豪右五條皆謂二千石不法秩卑則其人激

昂以自奮假之重權則得行其志此良法也成帝更為

牧秩二千石闕有都尉農有都尉屬國則有都尉皆武

帝始置此設官於外之大凡也其或因事遣使循行天

下也或遣光祿武大夫存問者老或遣博士存問經案

或遣丞相御史行掾天下或遣諸者賜三老帛或遣博

士錄寬微振孤民或遣中大夫持節教東甌或遣諫大

夫祀金馬碧雞此以輔臣而兼奉使者綉衣直指之使

雖武帝之所置然其官屬侍御史又哀帝時漢令反見

大夫無可使則召監屋令尹達為諫大夫遣之或奉使

借官武帝遣移守監蘇武以中郎持節使匈奴至昭

帝時武還漢紀書移中監蘇武使匈奴還拜大屬國然

則武以中郎使乃借官耳此則奉使借官之所從始也

漢制序遷之法丞相缺則御史大夫為之御史大夫

缺則九卿為之九卿缺則郡守刺史為之武帝則不然

丞相石慶卒則御史大夫兒寬當遷而不遷也太僕公

孫賀乃得之丞相公孫弘卒御史大夫商丘成當遷而

不遷也太僕田千秋乃得之公孫宏相御史大夫缺九

卿當進者多矣而河東太守番繫得之石慶相御史大

夫缺九卿當遷者多矣而齊相卜式得之不特此也衛青

自侍中遷太中大夫自太中大夫還車騎將軍自車騎

還大將軍大將軍漢三公官也由侍中三遷而得之武

欽定四庫全書

卷一

三

所以益多事也

漢世官吏率多久任唯邊吏三歲一

更均勞逸

以會宗傳曰竟寧中為西域都護三歲更置

還拜沛郡守復王嘉言孝文時居官或長子孫以官為

氏又朱博傳故事刺史居部九歲為守相夏侯嬰自高

祖時為太僕至文帝時猶以太僕清官沒顯居汝陽十

歲張敞居京兆九歲于定國為廷尉十八年

百官有

洗沐之制

石建傳載每五日洗沐歸謁親

有予告賜

告之法

病滿三月當免天子優賜其告曰賜告予告者

帝但欲權自己出故取卑賤而加之尊顯進不由階序

畧無所顧漢制有故官皆守舊階不食全俸滿歲為

真不稱者還故官韓延壽守左馮翊趙廣漢守京兆尹

翁歸守右扶風張敞守太原太守皆滿歲為真守官之

制莫知其由始按表武帝征和三年始有光祿大夫公

孫遵守少府此序舊階之證也意武帝始乎漢制官卑

職重者稱守是殆武帝驟官左右才智之士故用守以

虛資淺之人耳然朝廷用新進而無老成此武帝之世

欽定四庫全書

卷一

三

漢世官吏率多久任唯邊吏三歲一

更均勞逸

以會宗傳曰竟寧中為西域都護三歲更置

還拜沛郡守復王嘉言孝文時居官或長子孫以官為

氏又朱博傳故事刺史居部九歲為守相夏侯嬰自高

祖時為太僕至文帝時猶以太僕清官沒顯居汝陽十

歲張敞居京兆九歲于定國為廷尉十八年

百官有

洗沐之制

石建傳載每五日洗沐歸謁親

有予告賜

告之法

病滿三月當免天子優賜其告曰賜告予告者

在官有三嚴法所當得者

以罪去者或曰免或歸家

或為庶人

漢制雖丞相罷免大者自裁小免爵邑其尤

輕者就第及列侯罷國與奉朝請其後召用但為光祿

大夫或特進優游散秩未嘗除他官御史大夫則間為

九卿將軍至東漢崔烈免乃為城門校尉體貌之禮衰

矣

王國傳相御史百官皆如朝廷國家惟為置丞相其御

史大夫以下皆自置之至景帝時吳楚七國特其國大

欽定四庫全書

卷一

三

遂以作亂幾危漢室景帝懲之遂令諸王不得治民令

內史主治民政丞相曰相省御史大夫廷尉少府宗正

博士官改漢內史中尉郎中令之名而王國如故員職

皆朝廷除不得自置至漢成帝省內史治民更令相治

民矣

關內侯

關內侯無土寄食在所縣民租稅多少各有戶

數為限列侯則出關就國關內侯有號而無邑其加異

者往往與之關外之邑食其租稅自呂后時關內侯始

有食邑

光武中興務從節約并省官職固所以懲孝武奢廣之事三公之屬則省九卿之屬則又省朝廷之官則省郡國之官則又省而唯司隸校尉一官獨無所省尚書之員反增其二帝意固可想見矣抑不思漢初之制宰輔重於朝九卿率其屬名城封於宗都尉播於郡國其綱維固善而詎可以冗官視之蓋武帝之舊可變而高帝之法未可輕變也東都無丞相太尉御史大夫而大司徒定四庫全書

卷一 漢書卷之四

三

徒大司馬大司空實因西漢之末制也建武中復去大改司馬為太尉官居司徒司空上王梁以識文用韓歆以直諫死責以吏事而政歸臺閣司徒鄧禹居外而尚書伏誥攝行之蓋光武之視三公也輕則其用之也易去之也不難在內則不過以吏事責之雖在外亦何所不可統體不正其後益舛錄尚書之官建而三公為虛名矣光武以吏事責三公猶預事自明帝有錄尚書之制而三公始不預事矣宋弘為司空欲舉侍中以法則

三公猶得勅近臣也桓帝時楊東勅侯覽尚書乃詰其

趙奉法則三公不得勅近臣矣選舉舉委三府尚書受奏

御則三府尤得以辟舉也靈帝時呂強冒選舉但任尚

書則三公不預選舉事矣不特此也史異策免所以責之

者蓋奇自徐防始就外除拜而所以畀之者益輕自張

溫始前漢丞相屬有長史得舉勅有司直得舉不法光

武中興省司直之官所以奪三公之權也漢中興相罷

免無復為九卿者東漢王梁以識文用自野王今拜為

司徒定四庫全書

卷一 漢書卷之四

三

大司空俄而違命光武特斬之故以為中郎將是以終

漢之世去三公而復為九卿者不可勝數體貌之禮為

如何哉明帝用東平王蒼為車騎將軍而三公屬居將

軍之下有矣

九卿之制因循西京而併省其屬者多矣太常則省

十官而太卜又並於太史博士隸於太常而僕射之號

非博士所當稱轉而名之曰祭酒善矣

光祿勳則省車戶騎三將而羽林令亦省焉光祿勳之